

Miercus 30 di Novembar
S. Dree

Sabide 3
S. Francesc Saverio

Martars 6
S. Nicolau vescul

Il proverbi
Cui che al mangje il vuadagn
che al tiri l'argagn



Il soreli
Ai 30 al jeve aes 7.26
e al va a mont aes 16.25

Joibe prin di Dicembar
S. Aloï vescul

Domenie 4
S. Barbare

Il timp
Primis neveadis
ancje in planure

Lis voris dal mès
Se nol ves di jessi masse frèt,
e prime che al nevei, finit di svangjà
e butait ledan tal teren



La lune
Ai 7 prin cuart

Vinars 2
S. Cromazi vescul

Lunis 5
S. Crispine



■ **FELET**

I «Cjavei di lûs» di Zannier

Vinars ai 2 di Dicembar, aes 5 sot sere, te biblioteche di Felet, Roberto Iacovissi al presenterà il libri di pre Domeni Zannier «Cjavei di lûs».

■ **REGION**

In memorie di pre Marchet

La sale riunions dal tierç plan de sede de Regjon a Udin de Regjon – chè de direzion de Agriculture là che si da adun la taule verde – e je stade intitulade a pre Bepo Marchet, il predi e intelektuâl glemonat che tant al à contribuît ae difusion des ideis sul autonomisim e su la identitât dal popul furlan. Te ocasion e je stade ancje presentade la ristampe de «Cuintristorie dal Friûl» che Marchet al veve publicât jenfri il 1950 e il 1952 su «La Patrie dal Friûl», che al veve fondât intal 1946 cun Felix Marchi.

■ **UDIN**

Lenghis e creativitât

Martars ai 7 di Dicembar, aes 5 e mieze dopomisdì, li de librerie Tarantola di Udin, al sarà il prin incuintri/conference dal progjet de associazion Klaris inmaneât par rifleti sul pluralisim linguistic e culturâl e sui diris linguistics. Si fevelarà di lenghis, identitât, creativitât e teritori cun Paolo Cantarutti (Onde Furlane), Leo Virgili (Suns Europe) e Donatella Ruttar (Postaja Topolove).



Apel de Provincie di Udin ae Universitât dal Friûl, aes scuelis de regjon, ai ents culturâi su lis olmis di pre Marchet e pre Placerean

Insegnâ a scuele la storie dal Friûl

Pietro Fontanini: «La nestre storie no je di mancul di chês altris, anzit». Gianfranco Ellero: «Cognossint la storie de lôr tiere, i nestris zovins a puedin diventâ citadins miôr parcè che a presein il lôr dna»

UN APEL AE UNIVERSITÂT dal Friûl, aes scuelis de regjon, ai ents culturâi, parcè che l'insegnament e la divulgazion de storie dal Friûl a rivin a tocjà ducj i livei de societât intun timp inciert che al à, propit par chest, cetante dibisugne di identitât. Al rive de Provincie di Udin, in particolar dal so president Pietro Fontanini, che, ai 29 di Dicembar, lu à pandût a fuart cul jutori dal storic Gianfranco Ellero che al à contribuît a scrivi il manifest/apel par un Friûl plui furlan.

Il sburt al è vignût dal cjadalan dai 50 agns de muart di pre Bepo Marchet e dai 30 di pre Checo Placerean, grancj autonomiscj e autôrs di un test di riferiment pe identitât dal popul furlan, ven a stâi «Cuintristorie dal Friûl», e che a son stâts ricuardâts cuntune schirie di iniziativis inmaneadis de Provincie di Udin. Marchet e Placerean a criticarin l'insegnament de storie sotanade al nazionalisim statâl

(no dome in Italie) e «a mostrarin te cognossint de storie par regjons une font di culture autentiche in stât di dâ continuitât a religjositât, arts e tradizions popolârs, lenghis locâls, rispjet dal teritori», si lei tal apel.

«La nestre storie no je di mancul di chês altris, anzit – al à marcât **Pietro Fontanini** –. O vin cognossût une ete di aur: chè dal Patriarcjât di Aquilee cul Parlament de Patrie dal Friûl e propriis Costituzions. Dome insegnante a scuele, i fantats a podaran jessi cussients, preseâ e pandi ancje lôr cheste storie». Di insegnâ, duncje, ma no in cuintriposizion cun chè taliane o europeane. «Cognossint la storie de lôr tiere, i nestris zovins a puedin diventâ citadins miôr parcè che a presein il lôr dna – al à zontât **Gianfranco Ellero** –. La storie, di fat, e je un contignidôr di ducj i valôrs umans di une civiltât, che e je une sorte di olme digjital di ogni popul e de sô tiere».

ERIKA ADAMI

■ **SUNS EUROPE**

Udin si jemple di lenghis

Dal prin ai 3 di Dicembar **Suns Europe**, il Festival european des arts in lenghe minorizade, al fassarà di gnûf di Udin il cûr de Europe de creativitât e de diversitât linguistiche e culturâl. **Suns Europe** al premiarà lis miôr produzionis intes lenghis minoritariis dal continent e al quatarà in Friûl espressions musicâls, leterariis e audiovisivis de Europe, che e je une e plurâl e che e vûl jessi unide pardabon inte diversitât. Grant final sabide ai 3, cu la serade-event intal Teatri Zuan di Udin (a tacâ des 9 di sere). E cun «SunsDoc» al sarà un spazi ancje par cerçâ i savôrs che si pein ae diversitât linguistiche e aes minorancis. Plui informazions sul sit www.sunseurope.com

Dormire sano, benessere italiano.



dorelan®
dormire bene vivere meglio

il materasso®

per il vostro benessere

www.ilmaterasso.it

A letto passi circa 1/3 della tua vita. La scelta del materasso diviene perciò determinante per il tuo benessere. Per esperienza, professionalità e qualità, il Materasso d'eccellenza siamo noi: 100% made in Italy, alta manifattura, innovazione tecnologica, soluzioni personalizzate, servizio e assistenza post vendita, marchio Dorelan. Per garantire al tuo riposo salute, qualità e benessere, il Materasso è una scelta obbligata e di piacere.

Materassi, letti, poltrone alzapersona.

Negozio UDINE - Viale Tricesimo, 258 - Tel. 0432 43247

Negozio TRIVIGNANO UDINESE - Fraz. Melarolo via dei Conti, 9 - Tel. 0432 999267

Orari di apertura:
dal lunedì al sabato
dalle 8.30 alle 12.30 e dalle 15.00 alle 19.00
chiuso lunedì mattina